

Vincit strenuus Muricidae, Kuvalayâpîdam elephantum ludentium quasi bra- Cant. 22.  
chiorum oppressione interimentis, lacertus, floribus Mandârae, a dea Victoriae<sup>34</sup>.  
stratis, mactus quasi, cum elephanto depugnans quasi sponte insignitus minio.

Quum abiisset caterva amicarum, vidit Hares Râdham, cuius labia lavaren- XII.  
tur risibus, sensu amoris, pudore retardante multum aucti, exhilaratis, animi 1.  
esse desiderantis, multumque defigere lumina in stragulam, recentibus ramulis  
floribusque confectam. Tum amatam exhortatus est ita:

»Impone, o dilecta, nymphaeam pedis solo lecti surculis strati; torus iucunde Cant. 23.  
ornatus, qui aemulatur foliis pedum tuorum, talem patiatur stragem. Cole 2.  
nunc, o Râdha, per momentum temporis Nârâyanam, te colentem.

Curam tibi offero manu hac lotiformi; advenisti tu e longinquo; age, su- 3.  
perimpone stragulae compedem, quae motus tuos instar mei strenue imitatur.  
Cole nunc, o Râdha, per momentum temporis Nârâyanam, te colentem.

Praebe sermonem propitium, tanquam nectar ex ore, ceu luna, ambrosiae 4.  
receptaculo, defluum; removeo, tanquam separationem, indusium, sinum occlu-  
dens. Cole nunc, o Râdha, per momentum temporis Nârâyanam, te colentem.

Pectori meo superinfunde sinus tui urnam, nactu difficillimam, turgidulam, 5.  
desiderio amati amplexandi quasi redundantem; exstingue urentem amorem, cole  
nunc, o Râdha, per momentum temporis Nârâyanam, te colentem.

Dona me, o lucida, succo nectaris labiorum, fac ut reviviscat, veluti mor- 6.  
tuus, servus tuus, tibi mente totus traditus, laetitia privatus, cuius corpus con-  
flagratum est flamma separationis; cole nunc, o Râdha, per momentum temporis  
Nârâyanam, te colentem.

O tu, cuius facies lunae est aequiparanda, fac, ut zona gemmea comitetur 7.  
modulatione congrua accentus vocis, seda molestiam aurium mearum, Kokilorum  
clamoribus sauciarum, cole nunc, o Râdha, per momentum temporis Nârâya-  
nam, te colentem.

Fac, oro, ut oculus iste tuus nunc desinat, memet, vexatione fatigatum, 8.  
intueri ira infructuosa; occlude pudorem, largire fatigationem voluptatis; cole  
nunc, o Râdha, per momentum temporis Nârâyanam, te colentem.

Cantus hic pii Jayadêvae, qui Madhuicidae laetitiam quovis versuum pede 9.  
celebrat, generet apud amatoriam gentem delectamenta, quae alternantibus dul-  
cis amoris condicionibus percipiuntur. Cole nunc, o Râdha, per momentum  
temporis Nârâyanam, te colentem.